

皇明通紀法傳全錄

皇明通紀法傳全錄卷四

東莞 陳建 著 西湖 高汝棡 訂

高 鼎煒 咸臨 正

戊申大明洪武元年正月四日乙亥上親爲文祭告
天地于南郊禮成上卽皇帝位于郊壇南定有天下
之號曰大明建元洪武追尊四代祖考皆爲帝后

聖主當陽
百神呵護

時京師雨雪連晝城市陰晦及祭告上祝曰如臣
可爲生民主伏望帝祇來臨天朗氣清惠風和暢如
臣不可當降烈風異景使臣知之至日天宇澄清香
霧凝結獨露中星此天開景運之徵也

立妃馬氏爲皇后立世子標爲皇太子初上率

師渡江后亦率將士妻妾繼至太平上居建康與吳

后言深合
仁義之旨

漢戰無虛日。親率妾媵。完輯衣輶。助給將士。夜分不寐。時常助。上規畫。動合事機。上嘗焚香祝天。願天命早有所付。毋苦天下生民。后謂。上曰。方今豪傑並爭。雖未知天命所歸。以妾觀之。惟以不殺人爲本。顛者扶之。危者救之。收集人心。人心所歸。卽天命所在。彼縱殺掠。以失人心。天命所惡。雖其身亦難保也。上曰。爾言深合吾意。及是冊立爲皇后。上謂侍臣曰。昔光武勞馮異曰。倉卒廡簞亭豆粥。滹沱河麥飯。厚意久不報君臣之間。始終兩全。朕念。皇后起布衣時。同甘苦。嘗從朕在軍。倉卒自忍飢餓。懷糗餌食。朕比之豆粥麥飯。其

高后之德
無其任如
以貧賤相
惕以夫婦
若臣相保
致敵尤深
得諷厲之
休

困尤甚。昔唐太宗長孫皇后當隱太子構隙之際，內能盡孝，謹承諸妃，消釋嫌疑。朕素為郭氏所疑，徑情不恤將士，或以服用為獻。后先獻郭氏慰悅其意，及欲危朕，后輒為彌縫，卒免于患。殆尤難于長孫皇后者。朕或因服御詬怒，小過輒謂朕曰：「主忘昔日之貧賤乎？」朕復為惕然。家之良妻猶國之良相，豈忍忘之朝罷，因以語后。后曰：「妾聞夫婦相保，易君臣相保難。且妾安敢比長孫皇后，但願陛下以堯舜為法耳。」○以李善長為中書左丞相，徐達為右丞相，章溢為御史中丞。○劉基、陶安言于上曰：「適聞中書及都督府議倣元舊制，設中書

便得傳教
之本此三
代有道之
長

立東宮

令欲奏以太子爲之。上曰：取法于古，必擇其善者而從之。元氏胡人，事不師古。設官不以任賢，惟其類是與。豈可取法？且吾子年未長，學問未克，更事未多，所宜尊禮師傅，講習經傳，博通今古，識達機務。他日軍國重事，皆令啓聞，何必效彼作中書令乎？乃命詹同、取東宮官制觀之，謂同等曰：朕今立東宮，官取廷臣勲德老成者，兼其職，老成舊人，動有典則。若新進之賢者，亦選擇。參用夫舉賢任才，立國之本。崇德尚齒，尊賢之道。輔導得賢，人各盡職。故連抱之木，必以受良匠。萬金之璧，不以付拙工。於是以李善長爲太子少師，兼詹事，馮勝兼副。

詹事楊憲傳猷兼府丞徐達兼太子少傅常遇春兼太子少保鄧愈湯和兼太子諭德章溢兼太子贊善大夫劉基兼太子率更令。上諭善長等曰朕于東宮不別設府僚而以卿等兼之者蓋軍旅未息朕等有事于外必留太子監國若設府僚卿等在內事當啓聞太子或有聽斷不明而與卿等意見不合卿等必謂府僚導之嫌疑由是而生朕所以時置賓客諭德等官以輔成太子德性且妙選名儒爲之賓友昔周公教成王告以克詰戎兵召公告康王告以張皇六師此居安慮危不忘武備蓋繼世之君生長富貴昵于安逸軍旅之事多忽

而不務。一有緩急。罔知所措。二公所言。不可忘也。○勅李善長陶安等曰。自昔聖帝明王。有天下。莫不嚴于祭祀。以交于神明。朕誕膺天命。統一海宇。首建郊社宗廟。以崇祀事。顧草創之初。典禮未備。將何以交神明而致靈貺。卿等宜酌古今之宜。務在適中。定議以上聞。于是善長等奏有國大祀曰圜丘。曰方丘。曰宗廟。曰社稷。各具沿革以進。○中書省御史臺臣進所修大明令。命頒行天下。諭之曰。律令者。治天下之法也。令以教之于先。律以齊之于後。書曰。刑期于無刑。天下果能遵令而不犯于律。刑措斯亦不難。故命頒行四方。惟爾臣庶。體朕

定軍法

至懷○定衛所官軍及定將帥將兵之法其法自京師達於郡縣皆立衛所人率以五千六百人爲一衛一千一百二十人爲一所一百一十二人爲百戶所每百戶所設總旗二名小旗十名管領鈐束以指揮使等官領之大小相聯以成隊伍有事征伐則詔總兵官佩將印領之既旋則上所佩將印於朝官軍各回本衛大將軍身還第權皆出于朝廷不敢有所擅調自是征伐率以爲常○詔製宗廟器御○大宴群臣于奉天殿○上居新宮○命道士周原德往登萊州諭祭海神○天下府州縣官來朝陛辭上諭之曰天下初定百姓財力俱

困○譬○猶○初○飛○之○鳥○不○可○拔○其○羽○新○植○之○木○不○可○搖○其○根○
要○在○安○養○生○息○之○惟○廉○者○能○約○已○而○利○人○貪○者○必○朘○人○
而○厚○已○况○人○有○才○敏○者○或○尼○于○私○善○柔○者○或○昧○于○欲○此○
皆○不○廉○致○之○也○爾○等○當○深○戒○之○○設○尚○寶○司○

職○在○禁○廷○守○寶○璽○符○牌○印○章○而○辨○其○所○用○有○事○請○于○
內○既○事○奉○而○裁○之○凡○寶○十○四○曰○奉○天○之○寶○以○鎮○萬○國○
祀○天○地○曰○皇○帝○之○寶○以○冊○封○賜○勞○曰○皇○帝○信○寶○以○徵○
召○軍○曰○天○子○之○寶○以○祭○享○鬼○神○曰○天○子○行○寶○以○封○賜○
夷○蠻○曰○天○子○信○寶○以○調○發○蕃○兵○曰○制○誥○之○寶○以○識○話○
命○曰○勅○命○之○寶○以○識○勅○命○曰○廣○運○之○寶○以○識○黃○選○勅○
籍○曰○御○前○之○寶○以○進○御○座○從○車○駕○曰○皇○帝○尊○親○之○寶○
以○答○賜○宗○人○曰○敕○天○動○民○之○寶○以○訓○迪○有○司○凡○龜○守○
侍○衛○令○牌○之○號○六○曰○申○木○火○土○金○水○以○警○夜○巡○金○牌○
之○號○五○曰○仁○義○禮○智○信○以○嚴○守○衛○凡○半○字○銅○符○之○號○
四○曰○承○東○西○北○巡○者○左○半○守○者○右○半○合○契○而○從○事○焉○
凡○銅○牌○之○號○一○曰○勇○以○備○直○卒○凡○牙○牌○之○號○五○曰○點○

親文武樂以祭朝參凡祭牌之號三日陪供執以謹
祀事凡雙魚銅牌之號二日儀以肅直衛日善以潔
祀壇凡符驗之號五日馬水
達通信以給傳郵通制命

設登聞鼓于午門外

登聞鼓者設于午門之外日令御史一人監之有冤
抑懷密重情許擊鼓御史隨卽引奏其無此等及越
訴者不許後又移置長安門外令六科給事中并錦
衣衛官各一員輪流直鼓收狀類進候旨意一出卽
差該直校尉領駕帖備批旨意于上連狀并原告押
送各該衙門問理其有軍民人等恐嚇受奏者聽錦
衣衛直鼓官執送追究教唆主使
之人治罪所奏事情立案不行

征南將軍胡廷美卽廷瑞以避御宇改今名副將軍何文輝率師至

建寧元守將同僉達里麻叅政陳子琦集僚佐謀曰聞

大明軍驍勇自入杉關諸鎮望風瓦解其鋒不可當今

友定意不
其元謝英
廷秀花
不負友

吾城中軍士不下萬餘，儲蓄尚富，可以拒守，不可與戰。彼攻吾城不克，必將自逸，吾因而乘之，或可以得志。衆皆曰：「然。」由是備禦甚堅。廷美等進圍之，數與挑戰。達里麻等固守不出。我師環其四門，攻之益急。達里麻不能支，夜潛至副將軍何文輝營納款。詰旦，總管翟也先不花亦率衆詣文輝降。廷美怒二人不詣已，欲屠其城。文輝止曰：「吾與公同受命至此，爲安百姓耳。今城降，欲以私忿殺人可乎？」廷美遂止。乃整軍入，申嚴號令，毫髮無所犯。執叅政陳子琦，送京師。○上遣使詔諭友定，友定大會諸將，殺使者，置血酒甕中，慷慨飲之，誓衆死守。至

是我師隔水而陣分一軍渡水攻其西門友定謀于衆曰彼兵方來其氣勇銳難與爭鋒不如持久以困之伺間而動必有可勝遂嚴飭軍校巡城晝夜不少怠諸將出戰友定不許數請不已友定乃疑其部將蕭院判劉守仁有携二心卽收其兵柄殺蕭院判守仁知事急來奔士卒多踰城夜遁自始圍凡十日適城中軍器局失火炮礮亂發我軍疑其內叛遂并力攻城友定見勢窮蹙乃與副樞謝英輔叅政文殊海牙訣曰大事已去吾無以報國家惟有死耳公等宜自勉廼退於省堂按劍仰藥飲之達魯花赤白哈麻具服北面泣拜與謝英輔

皆自縊死。賴正孫等夜開門出降。黎明我師入城。友定氣未絕。遂昇之出水東門外。值大雷雨。復甦。械繫送京師。以唐鐸知府事。

友定福清縣人

友定至京師

上詰之曰。元

綱不振。海內土崩。天命更華。豈人力所能爲。爾竊據偏方。負固逆命。害吾叅軍。殺吾使者。陸梁弗服。欲何爲哉。友定對曰。事敗身亡。惟有死耳。尚有何言。遂誅之。○楊璟等進兵攻永州。元守將鄧祖勝求救于全州阿思蘭道兵來援我師。逆擊敗之。遂進逼其城。祖勝出兵南門拒戰。又敗之。獲其將王鑑。祖勝收兵入城固守。我師圍之。元兵復自廣西來援。駐東鄉。倚湘水列七營。軍勢甚

永州下

盛璟遣指揮袁子明等擊之元兵大敗

福建平
取廣東

二月王師已克寶慶既而復爲元將周文貴所陷楊璟遣千戶王廷進兵茱萸灘賊衆千餘據險拒戰廷擊敗之周文貴遁去遂下其城○胡廷瑞等兵進克興化遣建陽降將曹俊疇招諭汀州寧化連城等縣元汀州路守將陳國珍納款於是泉州漳州潮州郡縣相繼降附福建悉平○命平章廖永忠爲征南將軍叅政朱亮祖爲副率師由海道取廣東勅諭永忠等曰王者之師順天應人所以除暴亂解倒懸以慰民望朕昔平定武昌荊州諸郡皆望風款附常遇春克贛州南安嶺南數郡

帝心洞沛
光明于民
情地勢無
纖疑隔每
讀教詔成
作在前不
特臨臺迫
怨也

亦相繼來歸此無他師出以律人心悅服故也今兩廣之地遠在南方彼此割據民困久矣定亂安民正在今日彼聞八閩不守湖湘已平中心震懼無固守之志若先遣人宣威布德以招徠之必有歸款迎降者可不勞師旅慎勿殺掠阻向化之心如其拒命舉兵臨之據其險要絕其聲援未有不下者且廣東要地惟在廣州廣州既下則循海州郡可傳檄而定海北以次招徠留兵鎮守仍與平章楊璟合兵取廣西用師方略率用是道肅清南服在此一舉○又勅贛州衛指揮使陸仲亨率本部及南雄韶州等鎮軍馬會廖永忠等征廣東諭之

三方並進

併取中原

克東昌

克永城歸德許州

取汴梁

曰近命平章楊瑒等由湖廣取廣西平章廖永忠等由福建取廣東今特命爾率師由韶州直搗德慶三方進師爲犄角之勢舉無不克廣東既下合兵以取廣西先聲既震勢如破竹但撫輯生民無縱侵掠○命都督康茂才總率大軍往山東叅同大將徐達等併取中原○詔以太牢祀先師孔子于國學仍遣使詣曲阜致祭諭之○徐達兵取東昌路斬其守將申榮王元輔進克棣州攻安樂元守將俞勝遁去其郎中張仲毅出降

三月徐達等引兵上黃河克永

德許州取汴梁守

臣李景昌遁○以劉基爲御史中丞兼太子贊善大夫

精兵不如
良將將良
不若主勝
所害為千
百用兵之
矣

上御奉天門與劉基論用兵謂基曰克敵在兵而制兵
在將兵無節制則將不任將非其人則將必敗是以兩
軍之間決死生成敗之際有精兵不如良將基對曰臣
蒙 聖上厚恩得侍左右每觀妙策初謂未必皆然及
至摧鋒破敵動若神明臣由是知任將為上將之勝不
若主之勝也然臣觀 陛下常不拘古法而勝此尤所
難也 上曰戰者謀也因敵制勝豈必泥于古哉朕嘗
嘗親矢石觀戰陣之事闔闔奇正頃刻變化猶風雲之
無常勢要在通其變耳亦何暇論古法耶

基未遇時知青田山有靈異日手一編面山而坐月
不暫釋經歲忽屋上落開二扉基西嚮書過入閣有

此等事跡
若約矣然
觀張良之
通曉老則
異人之傳
校名世之
其生非自
今始矣

定賦役法
聖王應經
官與作役
及非時故
定此例

呵之者曰此中惡毒不可入基不顧極力排而違其
中色明朗奇石室方丈壁上見七大字云此石為
劉基所破公喜引巨石惟之應手折裂得石而歸
存古抄兵書四卷懷之出後展足而壁合如故歸閱
之甚習然猶未得其肯綮乃多遊深山崇剎以訪異
人久之入一寺見老道士憑几讀書知其隱者拜之
請教道士不顧力懇而後舉書授之曰讀此旬日能
背誦則可不則姑去書厚二寸一夕記其半道士驚
嘆曰子天才也遂傳其書中之訣兵法大進是以見
異雲而知天子氣又未見雲而預定兵符淵微神妙
知天合天也後基嘗以道士奏之上上令驛召至
闕年且八十容色甚少命與基及張鐵冠擇建官之
地初各不相聞既而易圖以進尺寸若一上欲留之
不可遂放還山不知所終

定賦役法以田一頃出夫一人不及頃者以別田足

之遇有興作于農隙徵發○改大更院為司天監○詔

湯和還明縣造海船以運征軍餉○左君弼自廬州走

皇明去尊詠
皇帝

被肝瀝膽
而首自便
弼一字一

安豐安豐破復走汴梁元將李克勳使守陳州上遣
使陳河以書諭君弼曰曩者兵連禍結非一人之失予
勞師暑月與足下從事足下乃舍其親而奔異國是皆
輕信群下之言以至于此雖悔何及今足下奉異國之
命禦彼邊疆與予接壤若欲獻計帥師侵境其中輕重
自可量也且予之國乃足下父母之國合肥之城乃足
下丘隴桑梓之鄉寧不思乎天下兵興豪傑並起豈惟
乘時以就功名亦欲保全父母妻子于亂世足下以身
爲質而求于人既已失策復使垂白之母糟糠之妻獨
居寡處天各一方朝思暮望以日爲歲足下縱不以妻

子爲念何忍忘情于老親哉功名富貴可以再圖生身之親不可再得足下能留意于是憐然而來予當棄前非仍復待以故舊則足下以天理人心舉無不順矣君弼得書猶豫不能決上乃歸其母于陳州君弼感泣至是王師下山東西指汴洛君弼納款降命爲廣東衛指揮僉事○楊璟等兵圍永州月餘不下璟乃分兵遣周德興張彬進取全州元平章阿思蘭夜遁奔象州全州降道州寧州桂陽藍山常寧武岡州亦降○廖永忠等率舟師自福州航海趨廣東先遣人以書至廣州招諭元分省左丞何真真廣州東莞人少英偉好書劔元

如此作用
大妙

可為筆義
二戒

末仕爲河源務副使嶺海騷動棄官歸鄉里率衆保障
至正乙未邑人王成陳仲玉搆亂真請于行省舉義兵
除之擒仲玉以歸成築砦自守圍之久不下真募人能
縛成者予鈔十千于是成奴縛之以出真笑謂成曰公
奈何養虎爲患成慙謝奴求賞真如數與之使人具湯
餒駕諸轉輪車上成懼以爲將烹已也真乃縛奴于上
促烹之使數人鳴鼓推車號于衆曰四境毋如奴縛主
以罹此刑也又使數人鳴鉦督奴妻炊火奴一號則群
應之曰四境有如奴縛主者視此于是人服其賞罰有
章以爲光武待蒼頭子密不能及也競歸之遂併有循

何真可謂
錄錄之士

惠二州嶺表民賴以安元授以江西分省左丞武陳旂
瑞勸爲尉佗計者輒斥絕之永忠等師至潮州真遣其
都事劉克佐上其印章并籍所部郡縣戶口兵馬錢糧
奉表歸附

海南海北
范降

四月朔永忠等師至東莞何真率官屬出見師進次虎
頭門元將盧左丞張元帥各率所部來降遂入廣州時
僞叅政邵宗愚據三山寨殘暴聞王師入廣遣人約降
而遷延不至永忠知其詐乃下令往攻之夜二鼓發兵
直抵其寨詰旦破之獲宗愚及其徒黨皆斬于市馳檄
往諭海南海北諸郡縣悉皆歸附○陸仲亨率師畧定
皇明史事錄卷四高皇帝

廣惠平

具識時
不為

英德清遠連州肇慶德慶等處廣東悉平。○廖永忠遣人送何真降表詣京師。上賜詔褒真謂其保境安民以待有德不勞師旅先期來歸其視漢唐名臣實融李勣奚讓。特召真乘傳入朝賜宴。仍賜白金千兩文綺紗羅綾絹各百匹。將校各賜有差。諭之曰天下紛紛所謂豪傑有三。易亂為治者上也。保民達變識所歸者次也。負固偷安流毒生民身死不悔斯不足論矣。頃者師臨閩越卿卽輸誠來歸不煩一旅之力使兵不血刃民庶安堵可謂識時達變者矣。授直中奉大夫江西等處行中書省叅知政事。○楊璟等兵克永州先是璟圍永州

久不下乃于城外築壘困之鄧祖勝屢戰屢敗其萬戶
何義千戶劉仲等皆被擒至是食盡力窮飲藥而死
叅政張子賢猶率衆拒守璟聞祖勝死督兵四面攻之夜
漏三鼓指揮胡海等踰城入子賢復率衆巷戰衆潰執
子賢及元帥鄧思誠等遂克其城璟引兵進攻靖江今
桂林府○命御史大夫鄧愈統領襄陽等衛官軍征取
淮漢迤北未附州郡愈遣指揮王成吳復等攻唐州克
之又取南陽生擒蔡國公史克新等二十七員軍士一
千五百人○徐達率諸將進攻河南府傅友德分兵首
取福山寨元右丞潘莽兒降進攻陵青寨黑山寨守將

聞風遁。又克仙人寨。神頂寨。元守將張知院降。達等進兵洛水北塔。見灣元將詹同脫。因帖木兒率衆迎戰。常遇春單騎執弓矢衝入其陣。敵發二十騎攢槊刺遇春。遇春一箭中其前鋒。大呼殺人。敵敗散走。詹同等奔陝州。其衆悉降。遂管于河南。城北門。其行省平章梁王阿魯溫請降。乘勝進克陝州。抵潼關。李思齊部將張德欽、薛穆飛等拒戰。馮勝先登擊敗之。遂入潼關。攻李思齊。魯思齊棄輜重奔鳳翔。我師取華州。時陝西州郡皆李思齊、張思道即張良弼二人所據。○河南諸郡皆下。裕州守郭雲勇而有謀。累戰不克。招之不從。戰敗被執。上嘉

國初仕不
分內外

卽位以來
銷免一

宣國示成

其忠義釋而用之○立山東行中書省調江西行省參
政汪廣洋爲山東參政以翰林學士陶安爲江西參政
○山東州郡新附詔今年夏稅秋糧盡行蠲免○命指
揮朱英復姓沐調守建寧節制邵武延平汀州三衛時
英從大將征闖有功遂有是命未幾擢都督僉事○命
工畫古孝行及身所經歷艱難起家戰伐之事爲圖以
示子孫謂侍臣曰朕家本業農祖父皆長者世承忠厚
積善餘慶以及於朕今圖此者使後世觀之知王業艱
難也起居注詹同等頓首曰陛下德昭垂訓莫此爲切
上曰富貴易驕艱難易忽久遠易忘後世子孫生長深

修女誠

秋股之際
聖明洞然

却竹簟清
太寥源

皇明法傳錄卷四
十三
官惟見富貴。習于奢侈。不習祖宗積累之難。故示之以
此。使朝夕觀覽。庶有所警也。○命儒臣學士朱升等修
女誠諭之曰。治天下者。修身爲本。正家爲先。始于謹夫
婦。后妃雖母儀天下。不可使預政事。至嬪嬙之屬。不過
備職事。侍巾櫛。若寵之太過。恐驕恣犯分。上下失序。歷
代官闡政由內出。未有不爲禍本者。夫內嬖惑人。甚于
鴆毒。惟明主能察于未然。其他鮮不爲所惑。卿等爲朕
述女誠及古賢妃之事。可爲法者。示後世子孫。有所持
守。○蘄州進竹簟却之。上謂中書省臣曰。古者方物
之貢。惟服食器用。故無耳目之娛。玩好之失。今蘄州所

進竹簞。固爲用物。但未有命而來獻。若受之。恐天下聞風。皆爭進奇巧。則勞民傷財。自此始矣。命却之。仍令四方。非朝廷所需。毋得妄有所獻。○定天子祭祀冕服。○禁宦官不得典兵預政。○定宗廟時享之禮。

五月。選國子生周琦等十人。侍太子讀書禁中。○馬勝旣拔潼關。請于達曰。潼關三秦門戶。最爲要害。李思齊張思道。日所覬覦。宜擇將益兵。爲戍守。達命郭興統指揮張龍于光等守之。○上巡幸汴梁。議定都。兼謀取元都。○廖永忠。朱亮祖。進兵取廣西。攻梧州。元達魯花赤拜住迎降。時元吏部尚書普顏帖木兒。張翔。以便宜行。

既出爲通
州矣猶不
忘實國

事入廣西行次藤州聞我師至卽募兵迎戰民無有應
者既聞州守吳庸出降乃率所部走鬱林亮祖勒兵追
斬之于是潯貴等州郡以次降附亮祖分兵道府江進
克平樂府○王禕出爲漳州府通判上疏曰臣聞自古
帝王定天下成大業者必祈天永命以爲萬世無疆之
計所以祈之者在乎人君修德而已君德既修則天眷
自有不能已者書曰皇天無親惟德是輔此之謂也人
君修德之要有二忠厚以爲心寬大以爲政二者君德
之大端也是故周家以忠厚開國故能垂八百年之基
漢室以寬大爲政故能成四百年之業簡冊所載不可

開國名臣
第一大素

情辭剴切
洞理達要

誣也。夫人君莫先於法。天道莫急于順人心。上天以生物爲心。故春秋以長養之。秋冬以收藏之。皆所以生物也。其間雷霆霜雪。有時而搏擊焉。有時而肅殺焉。然皆暫而不常。向使雷霆霜雪無時而不有焉。則上天生物之心息矣。臣願陛下之法天道也。夫民恃君以爲生。故人君視民之休戚。必若己之休戚。誠以君民同一體耳。取之有節。則民生遂而得其所。今浙西旣平。租賦旣廣。科歛之當減。猶有可議者。臣願陛下之順人心也。法天道。順人心。則存乎心者自然忠厚。施于政者自然廣大。旣天永命之道。未有越此者也。陛下建國之始。

方將立法垂憲以定一代之典制度禮文之事可議者固多未敢悉數謹舉帝王爲治之大要冒死以聞上嘉納之

六月周德興克全州卽分兵柵據靖江險要以絕其聲援楊璟引兵抵靖江城下屯于北關張彬屯南關合攻之元平章也兒吉尼督衆固守璟遣丘廣攻奪閘口關克其北門月城及其水隘復攻西門不利相持兩月朱亮祖亦自平樂率師來會屯于東門象鼻山下攻之益力也兒吉尼勢窮蹙驅兵南門山戰指揮胡海擊敗之獲其萬戶皮彥高因使彥高陰購其把水元帥張榮榮

獻皇

麾下裴觀以書射璟營約降至二鼓觀縋城出見璟備言儲積空虛人無鬪志可立取之狀璟乃給白皮帽百餘吳歸爲識約四鼓從寶賢門入至期璟命諸將率衆徑進也兒吉尼聞之倉皇出走追執之璟下令禁止侵掠復遣兵攻下柳州招諭兩江溪峒

七月左江太平府土官黃英衍右江田州府土官岑伯顏各遣使齎印章詣軍門降○廖永忠兵次潯州容州同知明安普化降進次貴州鬱林州知州張那海亦降進克橫州次南寧元上浪屯田千戶宋真執其守將平章咬住等請降永忠悉收諸司印章命真守城遣指揮

南陽平

進取元都

耿天璧等討元平章阿思蘭于象州。師至賓州，阿思蘭遣部將李左丞拒戰，天璧擊敗之。阿思蘭知勢不可爲，率所部詣降，獻其銀印三、銅印三十七、金牌五。廣西悉平。○鄧愈進兵克隨州，元守將右丞王誠降。討平麻張新寨及信陽玲瓏寨，遣指揮王成等攻破光石腦山寨，擒張成、劉敬等六十餘人，斬之。禁舞陽、魯山等縣相繼降附。南陽悉平。上以中原兵難之後，老稚孤貧者多，遣使賑恤。○潼關以東皆平。上命諸將旋師進取元都。上亦發汴梁回京師。大將軍徐達等自陳橋入辭，諭之曰：「朕初與公等率衆渡江，誓除禍亂，以安天下。今

士卒舍父母妻子戰鬪于矢石之間百死一生久未休息故每念之惕然于心然非得已也中原之民久爲群雄所苦死亡流離徧于道路天監在茲朕不敢怠故命爾等帥師北征廓清中原拯民艱苦昔元起沙漠其祖宗有德格天入主中國將及百年及其子孫怠荒罔恤民艱天厭棄之君則有罪民復何辜前代革命之際兵戈相加視如仇讐肆行屠戮違天虐民朕實不忍爾諸將帥當以爲戒克城之日毋掠虜毋焚蕩毋妄殺人必使市不易肆民安其生凡元之宗戚皆善待之庶幾上答天心下慰人望以成此伐罪救民之志有不恭命者

必罰無赦諸將皆感激拜辭而行○以都督馮勝爲右副將軍留守汴梁○元都城紅氣滿空如火照人自旦至晨方息越二日又黑氣起百步內不見人從寅至巳方消

閏七月徐達等分布士馬規取河北遂自中滦渡河取衛輝元守將龍二棄城走彰德進克獲加降縣尹吳中信俾守衛輝師至彰德龍二復出走其部將楊義卿來降遂下磁州進攻廣平元平章周顥先遁邯鄲縣尹都文玉降克趙州獲元豹邦保部將侯僉院進克臨清獲元將李寶臣都事張處仁以爲向道達檄諸將各率馬

步舟師大會于臨清進取元都遣顧時浚關以通舟師
先取德州克長蘆守將左僉院道至直沽獲其海舟造
浮橋以濟師常遇春等率舟師並河東西以進步騎遵
陸而前元丞相也速捍禦海口望風奔走至河西務元
平章俺普朶兒只進巴等迎敵我師與戰大敗之擒獲
甚衆俺普等皆遁

我師方將向燕未決駐郡稍久時濟寧知府方克勤
要宦勢吏爭索芻糧日膠于前克勤俯應酬決無不
如意諸軍稱能朱亮祖將舟師數百艘北行水涸舟
膠不可動脅克勤即取五千民夫決河否則軍法從
事克勤不忍煩民泣禱于天夜二鼓天大雷雨黎明
水起數尺舟竟順發莫知其由克勤孝孺父也

師至通州距城三十里爲營衆欲速攻之指揮郭英曰

吾師遠來敵以逸待勞攻城非我利也宜出其不意破之翌日大霧英以千人伏道傍率精騎三千直抵城下元將五十八國公率敢死士萬餘張兩翼而出與戰良久英佯敗敵乘勝來追伏兵中起截其軍爲兩道斬首數千級擒元宗室梁王孛羅達克通州○元主聞報大懼集三官后妃太子同議避兵北行遲明召群臣會議于端明殿及開門忽有二狐自殿上出元主見而歎曰官禁嚴密此物何得至此殆天所以告朕朕其可留哉豈可復作徽欽啣壁求活左丞相失烈門知樞密院事黑廝等皆勸固守京城不聽卽命淮王帖木兒不花監

國丞相慶童留守燕京夜半遂開建德門北去如上
都

八月二日達自通州率大軍向大都令尹堅長刀突陣
兩手生擒金虎符二將叩刀于口而馳元兵莫敢近至
齊化門填濠登城而入達登門樓執元淮王及丞相慶
童平章迭兒左丞丁敬等戮之獲玉印二玉璽一封其
府庫圖籍寶物及封故宮殿以兵守之宮人妃主令其
宦寺護持號令士卒毋得侵暴人民安堵市肆不移
詔以汴梁爲北京金陵爲南京上以定鼎金陵每以
六朝國祚不永歷代帝王皆都中原意欲遷都及得汴

梁親往視之。故有北京之建。旣而復謂群臣曰。大梁四面受敵。非建都之地。且人民凋弊。不可重勞興築也。罷之。又有言遷于長安。以漕運艱難而止。監察御史胡子拱請遷都關中。不報。又嘗議建都北平。可以控制胡虜。以問廷臣。翰林修撰鮑頻對曰。胡主起自朔北。是以立國在燕。天運已改。不可因也。今南京興王之地。官殿已完。不必改圖。傳曰。在德不在險也。復止。後雖營鳳陽。爲中都。然竟亦泥于劉基之言而不遷也。文廟因封燕王得天下。然後定都北平。○放元官人。○京師天鼓鳴。十一日大赦天下。與民更始。惟十惡不赦。○設六部官。

此與通紀
所載大同
小異然此
却詳盡

職以分理天下庶務○上之北巡也命丞相李善長劉
基留守京師上語基督察奸惡以肅輦轂雖內府之
事亦宜糾舉基素剛嚴凡中書僚吏有犯卽爲捕治宦
監工匠不肅遂啓皇太子捕寘諸法人皆側目畏之會
中書都事李彬犯法彬素附善長竊美威福善長托基
緩其獄基不允遣人馳奏請誅彬上可其奏時大旱
善長等方議禱於神而誅彬之報適至善長曰今欲禱
雨可殺人乎基曰殺李彬天必雨遂斬彬善長啣之及
上還怨基者多訴之善長亦言其專制語頗切上不
聽會基有妻喪因請告回籍○命學士詹同等十人分

御位以求
訪求賢才
一

守令賢則
民有賴祿
秩厚則官
無邪養賢
所以致民
也

行十道訪求賢哲隱逸之士。○有司奏造乘輿服御諸
物。應用金者。命皆以銅爲之。有司言費小。不足靳。上
曰。朕富有四海。豈吝於此。然所謂儉約者。非身先之。何
以率下。小用不節。大費必至。開奢汰之原。啓華靡之漸。
未必不由小而至大也。○徵天下賢才。進京。授以守令。
厚賜而遣之。上語中書省臣曰。治國以得賢爲先。賢
者天下之望也。然布衣之士。新授以政。必有以養其廉
耻。而後可責其成功。洪範曰。凡厥正人。既富方穀。此古
人之良法美意也。

九月江西行省參知政事陶安卒。上哀悼。親製祭文。

觀聖主此
諭則後世
咸聞言中
者非矣

取山西

下詔求賢
三

遣使祭之追封姑熟郡公時有御史言陶安隱微之過
者上曰朕素知安豈有此且爾何由知之對曰聞之
于道路上曰御史但聽道路之言以毀譽人以此爲
盡職乎命中書省黜之○元將王左丞自河中率將攻
潼關指揮于光持矛大呼橫衝其陣敵衆披靡光乘勝
奮擊追奔數十里李思齊等自是不敢復窺潼關○大
將軍徐達遣孫興祖俞通源等帥師進克永平府常遇
春傅友德等略保定山中今定州河間俱下之上以元
都旣克命大將軍率諸將進取山西○下詔求賢曰朕
惟天下之廣固非一人所能治必得天下之賢共成之

向以干戈擾攘，疆宇彼此致，賢養民之道未之深講。雖賴一時輔佐，匡定大業，然而懷材抱德之士尚多隱于岩穴，豈政令靡常而人無守歟？刑辟煩重而士懷其居歟？抑朕寡昧，事不師古而致然歟？不然，賢士大夫幼學壯行，思致堯舜君民者，豈可汨沒而已哉？今天下頗定，日與諸儒講明治道，啓沃朕心，豈敢不以古先哲王自期？岩穴之士有能以賢輔我，以德濟民者，尚不吾棄。十月詔改元燕京爲北平府，置燕山等八衛，以都督孫興祖、華雲龍守之。○常遇春等進取真定。○司天監進元主所製水晶宮刻漏，備極機巧，中設二木偶人，能按

時自擊鉦鼓。上覽之。謂侍臣曰。廢萬幾之務而用心。於此。所謂作無益。害有益也。使移此心以治天下。豈至滅亡命。左右碎之。○以耆儒梁真。王儀爲太子賓客。秦鏞。盧德明。張昌爲太子諭德。○御史大夫湯和。平章楊璟。征南班師還京。上復命和。璟俱爲偏將軍。統兵同大將軍征山西。又調右副將軍馮勝。帥師由河南進征山西。渡河克武陟。下懷慶。兵至太行山。碗子城。破其關。進取澤州。破磨盤寨。進克潞州。

十一月。大將軍徐達。帥師伐北平。道真定。趨山西。所遇捍人守要害。其未附山寨。遣傅友德。薛顯。略平定州。取

七朶寨、遺陸聚、攻車子等寨、及井陘、鳳山、鐵山、城山寨、皆降之、復取故關山寨、承天寨。○鄧愈討蜀之莽張、獲之悉定、金商均房、數州之境。○召劉基還京師、手詔曰、爾昔從朕于群雄未定之秋、居則匡輔治道、動則仰觀天象、察列宿之羅布、驗日月之何光、指示三軍、往無不克、至于彭蠡之鏖戰、砲聲擊裂、猶天雷之臨首、諸軍納喊、雖鬼神也、悲號自旦至暮、如是者凡四、爾亦在舟、豈不同患難也哉、今天下一家、爾當疾至、同盟勲冊、庶不負昔日之多難、但着鞭一來、朕心悅矣、基至京、詔贈基祖父爵、皆永嘉郡公。上欲授基爵、基固辭曰、陛下

山陰良預
之舊之意

悉復中國
之舊

乃天授臣何敢貪天之功 聖恩深厚榮顯先人足矣

太祖使都督馮勝將兵攻某城命劉基授方畧基書片紙授之使夜半出兵云某所見某方青雲起即伏兵頃有黑雲起者是賊伏也慎勿妄動日中後黑雲漸薄回與青雲接者此賊歸也即叩枚躡其後擊之可盡擒也衆初莫肯信至夜半諸所指地果有雲如基之言衆以為神莫敢違竟拔城擒賊而還

以張正當為真人去其天師之號上謂群臣曰至尊惟天豈有師也以此為號褻瀆甚矣改天師印為真人印
○命告謀反不實者抵罪有司著為令○克元都詔永冠悉復唐制士民皆束髮于頂官則烏紗帽圓領束帶黑靴士庶則服四帶巾雜色盤領衣不得用黃玄其辮髮胡髻胡服胡語一切禁止于是悉復中國之舊○遣

訪求賢才
三

建大本堂

使信錄曰
使愿義各
盡則無靖
難之禍故
惟聖祖為
能先見其

皇明通鑑卷四
文原吉詹同魏觀等分行天下訪求天下賢才因諭以
宜精鑒吉等對曰陛下昭德四海正賢俊不應之口臣
等敢不盡心上曰人材不絕于世朕非患天下無賢
患知人之難耳苟所舉非所用為害甚大卿等慎之○
建大本堂命取古今圖籍充其中延四方名儒以教太
子諸王分番直宿仍選才俊之士充伴讀以起居注魏
觀侍太子說書○上御文樓太子侍因問近與儒臣講
何史對曰漢七國事上問曲直安在對曰曲在七國
上曰此講官一偏之說景帝為太子時以博局殺吳世
子及為帝又輕聽晁錯黜削諸侯七國之變實由于此

若爲諸子講此則當言藩王當上尊天子無撓天下公法如此則爲太子者知隆親親之恩爲諸子者知夾輔王室盡君臣之義○遣使以卽位頒詔報諭安南占城高麗日本爪哇西洋諸國各夷君長

十二月徐達與諸將議曰聞擴廓帖木兒出太原由保安經居庸進攻北平孫都督總六衛之師足以鎮禦我與爾等乘其不備直抵太原傾其巢穴則彼進不得戰退無所依此其法所謂扼吭擣虛者也若彼還兵救大原則已爲我牽制進退失利必成擒矣諸將皆曰善遂引兵徑進擴廓帖木兒聞之果還兵其鋒甚銳萬騎突

至傅友德薛顯率敢死士數十騎衝却之敵軍于城西指揮郭英憑高望之謂常遇春曰彼兵多而不整營大而無備請夜劫之遇春然其計與徐達謀曰我騎兵雖集而步兵未至何以能戰莫若遣精騎夜劫其營其衆可亂衆亂主將可縛也達從之會擴廓部將豁鼻馬潛使人約降且請爲內應達大喜遂乘夜襲之先遣五十騎伏城東十里以舉火鳴砲爲期至夜郭英率十餘騎潛入其營舉火鳴砲伏兵亦舉火鳴砲遇春等引兵繼至鼓譟之聲相接敵軍大潰亂自相殺戮擴廓方燃燭坐帳中使兩童子執書以待聞變倉卒不知所出亟納

注河可燒
蘇武容陳
方略才又
過于蘇武
哭

靴未竟跣一足急踰帳後出乘驛馬以十八騎遁去遂克
太原豁鼻馬帥餘衆降達復遣將邀擊賀宗哲軍于石
州敗之崞忻霍絳猗氏平陽等處皆平○橫廓懼走甘
肅始以行人都事汪河還朝癸卯歲奉使被拘于陝右
至凡六年抗厲不屈完節來歸上嘉重之擢爲吏部
侍郎河備陳虜中事且上方略橫廓帖木兒竟由是取
敗○一日朝退還官皇太子諸王侍上指宮中隙地
謂之曰此非不可起亭館臺榭爲遊觀之所今但令內
使種蔬誠不忍傷民之財勞民之力耳商紂崇飾宮室
而天下怨之身死國亡漢文帝欲作露臺而惜百金之

此爲四首
富審其机
也

疑醒多

費當時民安國富夫奢儉不同。治亂懸判。爾等當記吾
言。常存儆戒。○上朝罷召宿衛武臣。諭之曰。朕與爾等
各任顯榮。居富貴。非偶然也。當四方豪傑並起。互相攻
奪。危亦甚矣。然每出師。必戒將士。毋焚民居。此心簡在
上帝。故有今日。卿等亦思當時在民間。視元之將帥。輕
裘肥馬。氣燄赫然。何敢望之。然彼之君臣。不思祖宗創
業之艱。驕淫奢侈。但恣一身逸樂。不恤生民疾苦。一旦
天更其運。非但不能保其富貴。遂致喪身滅名。今曆數
已歸。朕何敢驕怠。常恐政事廢缺。日慎一日。自非犒賞
軍士。宴百官。享勞外使。未常設宴爲樂。爾等亦須勤身

定官民喪
服之制

精勝之理
不遂影

守法勿忘貪賤之時，勿爲驕奢淫佚之事，則身常榮而家常裕矣。○安南國王陳日燈、高麗國王王顥俱遣使朝貢。

己酉，洪武二年正月，封京都及天下城隍神。○詔禮官定官民喪服之制。○召蒙古舊臣問政事得失。馮翌對曰：「元有天下，寬以得之，亦寬以失之。」上曰：「嘗聞寬則得之，未聞以寬失之也。」夫步急則躓，弦急則絕，民急則亂，居上之道正當用寬。元季君臣耽于逸樂，循至淪亡，其失在于縱弛，實非寬也。聖王之道，寬而有制，不以廢棄爲寬，簡而有節，不以慢易爲簡。施之適中，則無弊矣。」

或有祭于功臣廟而太廟不與者上之禮度非後人所測擬

○命立功臣廟于鷄鳴山定太廟功臣侑享

功臣以徐達為首次常遇春李文忠鄧愈湯和沐英胡大海馮國用張德勝吳良吳楨曹良臣康茂才吳復茅成孫興祖凡二十一人命死者塑像于廟祀之生者仍虛其位侑享則廖永安俞通海張德勝桑世傑耿再成胡大海趙德勝七人已卒祀廟中後罷永安而徐常李鄧湯沐六人候其卒進侑皆上親定也

命建蒙古右丞余闕總管李黼祠祀之

褒崇忠義以厲風教也

命都督孫遇仙等十人祭天下五嶽五鎮四瀆四海之神○諸軍攻大同路因巡太和嶺之西北次宣德府敗元將脫列伯○免山東山西北平河南及秦隴山西等處稅糧又立桑麻科徵○命中書省定太歲風雲雷

皇后親蠶

修元史

雨嶽鎮海濱山川城隍諸神祭禮

二月 上耕籍田既又命 皇后率內外命婦蠶于北郊以爲祭祀衣服○詔修元史以左丞相李善長監脩召前起居汪宋濂漳州府通判王禕爲總裁徵山林遺逸之士汪克寬等十六人同纂修開局天界寺取元經世大典諸書以資參考 上諭之曰自古有天下國家者行事見于當時是非公于後世故有一代之興必有一代之史以載之元主中國殆將百年其初君臣朴厚政事簡畧與民休息時號小康然昧於先王之道酣溺胡虜之俗制度踈濶禮樂無聞至其繼世嗣君荒淫權

臣跋扈兵戈四起民命顛危雖間有賢智之臣言不見信信不見用天下遂至土崩然其間君臣行事有善有否賢人君子或隱或顯其言行亦多可稱者今命爾纂修以備一代之史務直述其事毋溢美毋隱惡庶合公論以垂鑒戒○置河間長蘆河東陝西二都轉運鹽使司○命祀馬祖諸神築壇于後湖○詔立皇陵碑加

仁祖淳皇帝陵名曰英陵二年更爲皇陵立衛守之○湖廣行省臣言慶遠府地接入番溪洞所轄南丹宜山等處宋元皆用其夷酋爲安撫使以統之天兵下廣西安撫使莫天護首來款附宜如宋元制錄用以統其民

保金多少
物命與仁
著之將

則蠻情易服守兵可減上從之詔改慶遠府爲慶遠
南丹軍民安撫司以天護爲本司同知○元將也速兵
侵通州時城中守兵僅千人也速將萬餘騎營于白河
守將曹良臣謂其部下曰吾兵少不可與戰彼衆雖多
然亡國之後屢挫之兵可以計破乃密遣指揮許勇等
于沿河舟中各樹赤幟亘三十餘里鉦鼓之聲相聞也
速望之驚駭遂引衆遁去城中出精騎渡白河追之不
及而還○鄧愈下唐州以指揮朱其守之後唐州兵亂
殺朱指揮蘇家寨賊將老馬劉及南陽郡縣皆相應而
起事聞命楊璟至南陽首諭之由是恊應者皆散乃專

攻唐州一鼓破之南陽悉平○大將軍徐達等兵克河中府取陝西攻西安府

三月大軍至西安列營長安城北其平章王武率官屬士民迎降遂遣馮勝進取鳳翔初李思齊之奔鳳翔也上以書諭之曰前者遣使通問至今未還豈所使非人忤足下而留之歟抑元使適至足下不能隱而殺之歟若然亦時勢之常大丈夫當磊磊落落豈以小嫌介意哉夫堅甲利兵深溝高壘必欲極力抗我軍不知竟欲何爲昔足下在秦中人以兵衆地險而從之雖有張思道專尚詐力孔興等自爲保守擴廓以兵出沒其間然

如終開誠
相示非激
之使下也
其如不悟
何哉

皆非勅敵足下當時不能圖秦自王已失此機今中原
全爲我有向與足下相爲犄角者皆披靡竄伏足下以
孤軍相持徒傷物命終無所益厚德者豈爲是哉朕知
足下不守鳳翔則必深入沙漠以圖後舉足下初入其
地胡或面從然非我族類其心必異據其地不足以爲
資失其地適足以自損使兵威常強尚云可也倘中原
相從之衆以胡地荒涼或不樂居其心叵測一旦變生
肘腋孑然孤弱妻孥不能相保矣且足下本汝南之英
祖宗墳墓所在深思遠慮獨不及此乎誠能以信相許
去夷就華當以漢賓融之禮相報否則非朕所知也思

齊見書有降意其麾下誘之與西入吐蕃思齊惑之及是王師至鳳翔思齊懼遂率所部奔臨洮

四月大將軍達至鳳翔會諸將議師所向諸將咸以張思道之才不如李思齊慶陽易於臨洮欲先取慶陽然後從隴西攻臨洮達曰不然慶陽城險而兵悍未易猝拔臨洮之地西通番夷北界河隍得之其人足以備戰鬪其地產足以供軍儲今以大軍蹙之思齊不西走胡束手就降矣臨洮既克傍郡自下諸將然之遂進兵克隴州秦州及鞏昌乃遣馮勝統諸衛兵進征臨洮李思齊窮迫遂舉城降時張思道弟張良臣守慶陽聞王師

克臨兆大懼亦以慶陽降。顧時戴德各將本部兵征蘭州克之大將軍送李思齊赴京入見。上以其順天愛民籌策之良視元將崛起北奔者爲優深加慰之命爲江西行省縣丞不之官食祿于京師。○陝西鳳翔府寶雞縣進瑞麥一莖五穗三穗者一莖二穗者甚衆群臣皆賀。上曰朕爲生民主惟思修德致和以契天地之心使三光平寒暑時五穀熟人民育爲國家之瑞蓋不以物爲瑞也。昔帝舜之世不見祥瑞曾何損于聖德。○時倭寇出沒海島中數侵剝蘇州崇明殺傷居民劫奪貨財沿海之地皆患之太倉衛守禦指揮俞事翁德帥

官軍出海捕之，遇于海門之上幫，及其未陣，麾衆衝擊，之所殺不可勝計，生獲數百人，得兵器海舟，奏至，詔以德陞本衛指揮副使，戰溺死者，加賜錢布米，仍命德往捕未盡倭寇。德被命，復往捕之，倭寇皆畏懼，不復出，沿海遂寧。

五月，大將軍徐達進征平涼，張良臣復叛，達怒，趣至涇州，諸將咸以師來會，達恐良臣黨與相扇，爲聲援，乃遣兵抄其出入之路，俞通源將精騎略其西，傅友德略其東，陳德略其南，顧時略其北，達帥諸將趨慶陽，以兵四面圍其城，良臣出兵挑戰，達麾兵擊敗之。○立天下豫

僉倉○上命常遇春自鳳翔赴北平以李文忠爲副遇春道三河度鹿兒嶺敗元將江文靖于錦州獲其士馬千計至大寧也速逆戰敗走進破開平元君又奔北追至北河俘其宗王王慶生等遂進攻大興文忠度其必走乃分兵餘伏其歸路虜果夜遁遇伏大破之斬其將昂住全師還京

七月七日次柳河川常遇春得疾而卒年四十訃聞上震悼罷朝追封開平王謚忠武柩至龍江上親製文躬往祭之慟哭而還上念其功不置謂廷臣曰朕東撫高麗西抵吐蕃北際沙漠南來交趾占城莫不稽

首奉命以十分言遇春居其八九命追封三代晉王

爵長子茂封鄭國公次子昇封開國公長女許爲皇太

子妃配享太廟位第二

遇春沈鷺果殺撫士卒與同甘苦出則摧鋒退則殿後未嘗敗北雖不習書史而用兵決勝未嘗不與古人合年差長于大將軍二歲數從征伐奉節制進止赴期不敢爽毫髮大將軍亦雅愛之終始無間唯性稍好殺而淫以此遜于大將軍云然而一時稱名將者必曰徐常卽上亦均重之每舉以勵諸將必曰中山開平二王不偏廢也批擗各裂前無勁敵卻掃千里流血漂杵此開平氏所以揚帝烈也誠哉

徐達率諸軍趨慶陽駐于東原令馮宗異湯和顧時戴德以兵四面圍其城張良臣出戰東門顧時擊敗之良臣復自西門出戰馮宗異以兵擊之良臣走還時王保

保自寧夏遣竹筭來慶陽良臣因復遣還寧夏求援徐達別將李海明邏獲竹筭斬之以徇城下張良臣復乘大風出兵與我師接戰我師擊敗之良臣懼登城呼呂德約降大將軍不聽初慶陽小元帥見王師攻城日急欲出降爲良臣所囚至是城中降者夜刼小元帥出詣大將軍營達受之令軍中無虐降者初良臣之復叛也自以其城高險而下有井泉可據以守其兵又精悍養子七人皆善戰軍中語曰不怕金牌張惟怕七條鎗又其兄思道與王保保爲聲援賀宗哲韓札兒爲羽翼姚暉葛行之徒爲牙爪故欲拒守以圖大功及王師列營

城下以困之。良臣不得逞，數出戰，又不利。又遣人赴寧夏求援，皆被獲。內外音問不通，而糧餉乏絕，至煮人汁、丸泥嚙之。平章姚暉、熊左丞、胡知院、萬人等知事不濟，爭開門納降。達勒兵入自北門。良臣父子俱投井中。達勒命指揮朱果引出斬之。遣指揮陸成赴京奏捷。明日，誅良臣之黨柴知院等二百餘人，收其小平章等銀印，以都督僉事陳德守之。先是，賀宗哲攻鳳翔，城或墜地，或突至甕城。凡十五日，指揮金興旺、知府周興等嬰城拒守。隨方備禦，敵不得入。至是，聞慶陽城下，宗哲乃引去。征南將軍廖永忠、副將軍朱亮祖等自廣東班師還京。

上命皇太子率百官迎勞于龍江入見上撫慰
甚復命皇太子送永忠歸第○時中原南北皆定惟
僞夏主明昇竊據巴蜀未下上命楊璟往招諭之時
昇年尚幼國事皆決于母彭氏及其僞丞相戴壽璟至
蜀諭以禍福昇欲奉國入覲牽于群議不決璟將還復
以書曉之極言大小順逆利害之勢昇不能從○詔李
文忠代領常遇春之衆應援慶陽文忠行至太原聞慶
陽已平而元兵攻大同甚急文忠謂副將趙庸等曰吾
與君等受命而來閭外之事有利于國者專之可也今
大同受敵若候進止吾恐敵愈盛不可復制豈不失机

衆曰諾遂由代出鴈門關

九月師次馬邑元邏騎數千猝至文忠與戰敗之擒其將平章劉帖木進次白楊門又擒黠虜四大王時天雨雪文忠疑有伏乃身引數騎入山察視之前軍已駐營去敵五十里文忠至遽令遷之復前進五里阻水爲營先遣人間行達大同城中使知是夜元將脫列伯果悉衆來攻文忠令飽食堅壁不動先以兩營誘敵督令死戰自寅至辰度其飢疲乃分軍爲左右翼身當先鋒奮擊大破之生擒脫列伯降其衆萬餘獲輜重馬足無算遂進兵逐孔興至東勝州莽哥倉不見虜而還先是元

主走屯蓋里命脫列伯孔興以重兵攻大同欲圖恢復至是脫列伯被擒孔興走綏德其部將復斬之來降元主知事不濟無復南意矣

十月命天下郡縣皆立學校○膏露降于乾清宮後苑之上

是月十三日膏露降于蒼松之上光潤如酒凝結如脂又如珠肪白飴甘彌布松栢馨列氣達左右勃鬱淋漓薰極太和李善長等率群臣稱賀吳禎曰永樂十七年十一月甘露降于孝陵松栢之上凡四日疑爲玉脂融爲膏液衆若垂珠聯若編貝仁宗爲太子時居南京採取馳獻成祖祗薦宗廟頒賜百官芳美旁達莫可擬倫近有一種名曰爵錫其色白濁其味甚甜其臭松脂嚼之膠舌頗重飢食之致病多食之則死此其驗也臺憲之臣不辨真偽聚取以獻其褻賣貽譏不亦甚哉○龍飛紀畧等

定中原大
賞從征將

士

舊止載降于乾清宮而後又復屢
降于鍾山不特永樂十七年已也

十二月定中原大賞從征將士有差○殘元王保保知
大將軍南還自甘肅以兵來襲蘭州奄至城下守將指
揮張溫會諸將校曰彼悉衆襲我我兵寡難與爲敵然
彼遠來未知我衆寡乘暮擊之可挫其鋒彼不退則固
守以待援于是整兵出戰保兵少却遲明溫收兵入
城敵兵遂圍城數重溫堅守不與戰時指揮于光守鞏
昌將兵來援至蘭州之馬關灘卒遇保兵戰敗被執
至蘭州城下使呼張將軍出降光大呼曰我不幸被執
公等堅守徐總兵大軍行至矣敵怒殺之城中聞光言

于光死

守益固。敵人向夜登城。守兵擊却之。相持數月。溫屢乘其怠。輒擊破之。得保攻不利。又聞大軍至。乃引去。

賊之登城也。千戶朱祐被酒醉臥。不覺。巡城軍擊却。賊遂圍解。還甘肅。溫執朱祐將斬之。知事朱友文諫曰。當賊犯城時。將軍斬之以徇衆。所謂以軍法從事。人無得而議。今賊已退。乃追罪之。非惟無及于事。且有擅殺之名。竊以爲不可。溫悟。杖祐釋之。上聞。謂輔臣曰。友文以幕僚能守。朝廷法以直言諭長官。此正人也。宜加資予。以勵。遂賜綺帛各五疋。上加于光忠節。遣使祭以少牢。命配享功臣廟。

御史中丞章溢卒。上憫悼。親製祭文。遣人祭之。

溢有文武才。溢官所至有成績。天性孝友。撫世酬物。一本于誠。每臨大事。議論不避權勢。必折衷于理。如有諫。上委曲從之。其居母喪。悲戚過度。親負土石。感疾而卒。○溢在元季。會斬盜寇龍泉。得溢從子石仁。將殺之。溢出謂賊兒。幼不足殺。願殺我。賊方懸幕。購溢。今得之。大喜。爲釋溢子。延坐問計。溢漫罵曰。計

守此寶訓
真社稷無
窮之利何
必他求

安出。爲盜不已。且死。爾賊怒。縛盜柱以刀。殲脅。欲以
降之。溢愈不屈。賊竟不能害。夜給守者。乘間脫歸。某
里中年少擊賊。大破之。後散兵。置匡廬山。轉入閩。
上東帛聘溢。由管田司。積至御史中丞。
上與侍臣論及古之女寵。寺人外戚。權臣藩鎮。夷狄之
禍。曰。木必蠹而後風折之。體必虛而後病乘之。國家之
事。亦猶是矣。漢無外戚。閹寺之權。唐無藩鎮。夷狄之禍。
國何能滅。朕觀往古。深用爲戒。然制之有其道。若不惑
于聲色。嚴官闈之禁。貴賤有體。恩不掩義。女寵之禍。何
自而生。不啻于私愛。惟賢是用。苟犯政典。裁以至公。外
戚之禍。何由而作。閹寺近習。職在掃除。供給使令。不假
兵柄。則無寺人之禍。上下相維。大小相制。防耳目之壅。

然告之風
于青田見
其處古

蔽。謹威福之下移。則無權臣之患。藩鎮之設。本以衛民。
使財歸有司。兵必待符而調。豈有跋扈之憂。至於御夷。
狄。則修武備。謹邊防。來則禦之。去不窮追。豈有侵暴之
虞。凡此數事。嘗欲著書。使後世子孫。以時觀覽。亦社稷
無窮之利也。侍臣頓首曰。陛下此言。誠有國之人訓。萬
世之明法也。願著之常典。以垂示將來。○上嘗以事詰
責丞相李善長。劉基謂善長勲舊。且能和輯諸將。上
曰。是數欲害汝。汝乃爲之地耶。善長罷。次當楊憲。憲素
善基。力以爲不可。上怪之。問曰。卿不愛憲耶。對曰。惟
愛之。故欲全之耳。憲有相才。無相器。夫宰相者。持心如

國初將才甚衆相繼
莊陶安章
溢然相繼
卒惟公與
桂彥良平
情不及之

水以義理爲權衡而已無與焉。今憲不然能無敗乎。
上曰汪廣洋何如曰此褊淺殆甚于憲耳。上曰胡惟
庸何如基曰此小犢將債轅破犁。上曰吾固欲相先
生基曰臣非不自知但臣疾惡太深又不奈煩劇爲之
且孤大恩天下何患無才願明主悉心求之如目前諸
人臣誠未見其可也。上卒相廣洋廣洋以巽需敗而
憲又以恬寵敗也。繼相惟庸基蹙然曰不蒼生福哉吾
言驗者也。後庸以大逆誅夷。○右副將馮宗異守平涼
以關陝既平胡虜畏服不請于朝輒引衆還及見上
詰之曰將軍在平涼外禦胡虜內鎮撫關中國家所托

非輕也乃不俟命輒引衆還閩外之事將誰任之宗異頓首謝上以其勲爵姑置之

十二月占城遣使來言安南侵擾命編修羅復仁主事張福齋詔諭之二國皆聽命罷兵至是復遣中書省管勾甘桓等齋詔封占城阿荅阿者爲占城國王